

光緒重脩茂名縣志

茂名縣志卷二

建置志第二

城池

唐時始築土城宋元因之

案方輿紀要高
州府治廢潘州

明洪武十四

年千戶陳富於舊城之外重築新城包以木柵三十

一年千戶張真始甃以甎周六百一十四丈計三里

一百八十四步高一丈四尺爲門五東曰迎陽南曰

廣濟西曰通川北曰北門又曰小西門上俱有樓成

化元年東南北三門毀於寇三年知府孔鏞守備指

揮歐磐復建四年指揮李信增修高四尺千戶潘英

創串樓六百有奇嘉靖四年知府莊科廓城東包學

宮入城中周圍築子城

阮通志

十一年署府事肇慶府

同知林春澤塞小西門十三年僉事黃澄廢子城

府黃

志爲敵樓二十七所是年知府石簡塞舊南門作新

南門改曰高明

阮通志

由濠岸西行轉南合舊門通衢

黃府志十五年知府鄭綱闢南街直行稍轉而西接通

衢建門曰履坦二十五年知府歐陽烈復啟小

通志作水

誤西門扁

阮通志脫扁字

曰高辛二十七年大水南隍岸崩

及城西南樓基浸塌遂自大西門至舊南門埠頭叢

椿實土填築隍岸脩整南樓

黃府志

萬厯間知府熊廷

相開舊南門塞新門於小西門外建樓一座加門一

重三十七年知府李甫文復改如石簡制三十九年

知府蔣希禹復開塞如熊廷相而基址猶存四十三

年知府曹志遇將新南門遺址鏟去悉復舊制天啟

間

府志作元年

參議蘇宇庶以古東門利於離明新北門

偏於龍背遂復舊東門塞新東門而形家更謂郡治

主山較弱宜建層樓以壯郡脈 國朝康熙十七年

將軍舒恕會同高雷廉總兵馬雲程修整四城樓櫓

於城角環樹排柵

黃府志

乾隆八年題準部覆動項修

葺三十六年高州府詳據紳士張士彥等情願捐貲

勑開文明門并南門外層城門改直南向以正方位

兼修學宮督撫批准嗣因工費不敷停止嘉慶五年

張士彥等復願捐輸以竟前工經府勘明詳準總督

吉慶準其開設十六年巡撫韓對行令茂名縣會同

各屬照嘉慶六年例公捐修葺

阮通志

道光三年高廉

道葉申萬督修

黃府志

城周三里有奇門五東南北有

濠周五百四十丈

阮通志

深一丈二尺闊加八尺明成

化三年知府孔鏞守備指揮歐磐復濬之闊三丈深

一丈六尺

黃府志

惟大西門以江爲塹

一統志

大清城周

圍六百七十一丈高一丈五尺通志周六百十四丈

高一丈四尺誤

廣東輿圖

御史南海曾陳易高州府城脩復古南門記高涼之南門蓋

二變矣國初居西南角而正嘉靖間好事者遂遷於府治之前江流當中直跳形家數言其不利郡人士

志恢復已久萬厯丙午督學朱公可其議太守熊公集陶鳩工并小西門俱闢矣啟此則塞彼而不便於

流商爭者紛紜城社之技雜施遂有戊申之改土氣幾不振王子直指王公兵憲喻公登城眺望指畫更

張太守蔣公爲之詳奪卜吉諸士各捐餼與募好義者計二百餘緡乃經始焉而豪民尙沮撓其間開者

未收全功而閉者猶存故址甲寅春太守曹公自巴郡移高涼甫下車卽修墜典釐弊蠹四境內外莫不

懍懍諸士奮力以圖落成而旣塞之門毀其敵樓委材埴於他用儼然國初之舊矣是役也察曜於天相

形於地驗盛衰於往昔六邑之含齒戴髮咸手加額欣欣相告謂使君之大有造於斯也夫城盛也所以

盛民也門扞也爲人藩屏以扞衛也伍員築吳城門
占列宿而吳霸則郭門之關係氣數自古已然何獨
此邦而疑之或曰城門防不虞弁鷁職也何與於土
第文運本於堪輿而水爲土脈水泄瀉則土頑薄郡
治與澤宮如故而戶口消耗科第寥寂茲不旋踵而
舊貫可仍臨流覽秀廓爾金湯美哉固也雖出於人
亦俟公之來乃就緒何哉予觀之天下事必得其人
以主持之方能不朽諸士久困膠庠中欲培地利以
興人謀抑知修術業以邀天寵哉孔氏之訓誰能出
不由戶子輿則謂義路禮門諸士當思紹明正學統
一聖真不徑不實仰承曹公右文之化則向者人文
昌阜端可再見矣曹公入而課士出而講武固吾圉
以禦奸宄他日受天子干城之倚而寄北門鎖鑰治
郡功名蓋權輿之耳魯人美僖公視學而曰旣作泮
宮淮夷攸服則克詰之事固於庠序收功者向所稱
鼠伏鴉張且望泮林之榘而易嚮懷我矣於是農畯
歌南山曰民之父母章縫歌棫樸曰壽考作人蹶張
攸飛投石超距者歌思樂曰在泮獻功予以鄰封年
誼獲覩其美歌六月曰文武吉甫公名志遇產武昌
以文詞名家其綜緝郡乘鼎建書院剏此山堂於水
口皆有裨於風氣茲不書書開門從諸士之請也
署知府戴錫綸府城形勢說高境大勢山多自艮而
坤逆張海水其間平原廣隰時復彌望而郡治則一
山國也主龍到東山起頂作左輔形東西降勢文曲

兼貪自南而北過峽隨起一貪祿兼體之輔卽撒落
平洋由艮趨坤融結府城鑑江爲隨龍幹水自艮方
轉折繞城如帶厯坎乾兌坤左邊小水自潘坡厯震
巽離至坤與河會而河仍逆向坤方流去卽有寶光
塔巋然鎮塞使近城關局包裹完全風藏氣聚此人
事之善補天工而得其要領者也環城奇峰疊見如
筆架山之秀拔南宮嶺之展拓觀山嶺及觀山之夾
護有情加以河流曲注蜿蜒磅礴清淑之氣爲多自
應淵藪人文代產豪俊且小函谷關前河水直冲龍
背法主烟霞逸士果毓潘仙筆架山卓立雲霄法主
文武軼材便生洗母不得謂人傑之不本於地靈也
顧神仙無意塵寰汗簡止傳巾幗而寥寥科第並宦
達亦不數數觀者其故何耶枝則茂而幹不强賓彌
榮而主乃落意者志乘城池說載形家言謂郡治主
出較弱宜豎層樓以壯郡脉云云殆有心者見及此
而力又未暇姑識之以待後人之興作乎然則心眼
相同古今若契人事之不可緩益無疑義矣主脉自
北關挨北門左入城也邇西南行至鎮署後起頂開
肩左肩則考院道署道署後東展一翼由府翼縣翼
至常平倉止府翼道署間中開界水聚於府翼前之
一池惜已填之過半右肩則府署爲主脉止聚之處
故其脣袖較長較高府西餘氣橫展由遊署縣署至
城外天后廟止臨河復作石腳砥柱洪流與觀山拱
對凡隨龍右界小水由城隍武廟小西門外入下宮

灣至此亦一收束矣合觀城內大勢乾巽震坤低凹
坎離艮兌隆起內局則坐滿向空外局則坐空向滿
若於東北城上立一數丈亭閣亦可增益氣勢然不
足以招攝通盤之山水須在洪聖廟南主龍棲閃山
平交接處所方是經首之會如樹之根祇人之頭顱
天於此少生一峰人卽因而崇起之則以人補天全
功可冀矣但該山過峽起處稍見少陰卽化少陽透
池旋落平坡後有愈走愈高之鬼氣前無顧我欲留
之明堂停驛騎龍法皆難取若文昌祠關係地方文
學就此創建似覺未佳惟造一八方七級浮圖於龍
爲頂於城在艮並從此上至東山一帶多栽樹木培
護龍氣則形理兩得頭角嶄然賢主佳賓易缺陷爲
圓滿將見繞城奇秀一一化爲人文卽觀山新
建奎閣將益懋輔相之績而增鍾毓之靈矣

世間萬物皆有情
但使願無違

人皆欲富貴
富貴不可求

人皆欲長壽
長壽不可求

人皆欲榮華
榮華不可求

人皆欲名利
名利不可求

人皆欲尊貴
尊貴不可求

人皆欲富貴
富貴不可求

人皆欲長壽
長壽不可求

人皆欲榮華
榮華不可求

人皆欲名利
名利不可求

人皆欲尊貴
尊貴不可求

人皆欲富貴
富貴不可求

解署

萬壽宮在府城內南街雍正十一年知縣虞金銘恭建議

敘州同陳式韶督修

黃府志

分巡高廉道署在府城內東街雍正八年建外爲東西

轅門大門儀門入爲大堂右設廣濟庫旁列吏舍入

內爲二堂後堂西爲何遠堂雙芝瑞應堂

乾隆十九年二月產

芝乾隆三十四年重修二堂左爲喜雨軒右爲正矩

堂後堂右爲雨花樓爲簡移堂

同上

高州府署在城內大街卽舊分巡道署順治十一年改

外爲大門儀門入爲大堂東西設永平庫旁列吏舍

入內爲二堂三堂後衙東爲敬簡堂嘉慶十八年知

府雙壽闢射圃於右建堂三間旁有軒榭

同上

督捕通判署原在府前街乾隆元年奉準部覆移駐梅
菜動項建造衙署其舊督捕廳署至三十三年改爲

道庫大使及府經歷署

同上

廣濟庫大使署原在府城內後街乾隆三十年改設三
十三年奉行以府通判舊署之半分建庫大使署在
府前街經歷署西道光四年庫大使沈元重修產靈

芝高尺許

同上

經歷司署舊在南門外乾隆三十三年改督捕廳舊署
之半爲經歷署在府前街道庫大使署東

同上

府教授訓導署在府學宮後

同上

司獄司署在縣署西舊在府署內

同上

府永安倉在城東

王志在常平倉左

舊有倉大使乾隆三十一

年奉裁撥歸茂名縣管理道光元年署知縣張大凱
修豐字三十三四十五十六倉三年知縣王勳臣修

豐字四十四十一四十二倉黃府志後倉廩曠廢房屋

全圯今改建茂邑義倉檔冊詳經費門

永平庫在府大堂左黃府志

督學考院在道署西乾隆十年知府劉重選修道光四

年於三堂西邊空地新建一座三間同上

高州總鎮署卽舊府署在府東係古潘州舊址厯代因

之元爲高州路署明洪武二年改路爲府知府沈奇

建正統中通判馬文饒重修宏治三年知府曹謙重

建正德八年陳嘉表重修

國朝順治十一年李定國踞爲王府事平後總兵官粟

養志改爲總鎮府

同上

左營中軍遊擊署在府署西順治十二年建

同上

左營守備署在府城內北街順治十二年建

同上

左營軍裝庫在府城內北街順治十三年建

同上

火藥局順治十二年建於東城樓貯左營火藥乾隆三

十六年移建北街合貯左右兩營火藥

同上

右營都司署原係遊擊署在縣署西順治十二年建乾

隆二十一年改爲都司署

同上

右營軍裝庫在鎮署左側順治十二年建

同上

知縣署在左營遊擊署西明洪武十四年知縣尹賢建

宣德七年知縣曾濟修葺成化四年燬於寇五年知

縣曾英復建正德八年知縣林渠嘉靖以後知縣易

本仁鄭豸張爵余天爵錢守愚吳國揚先後增修

國朝仍舊制

同上

教諭訓導署在府署右道光十四年署知縣黃榜移建

今所

冊檔

原在縣學宮西卽近聖書院

黃府志

長安黃榜移建兩儒

學衙署序節畧潘州有學宮自前明始建於洪武十四年在本城內後遷於城外東山寺故址天順八年毀於兵燹成化五年復建城東其後屢脩屢廢我朝康熙年間廣文無署遂借近聖書院居之而書院遂廢榜方與邑人議重建書院而兩廣文無衙署因商之署司教新會蘇君司訓陽春李君購府署旁街何氏宅價一千四百八十五緡廣二十弓袤二十七弓改爲儒學正副堂衙署共三十一間門堂戶竈具焉計費錢二千零四十緡

典史署在縣堂左

同上

縣庫在縣堂右

同上

平山巡檢司今寄住石骨墟卽電白堡內

採訪冊

案舊志云司署原在紅花堡寄住電白堡今廢署

離東岸墟數里地卽紅花堡內

赤水巡檢司署在梅菜墟

舊爲那黎司署在赤水港明季改建黃府志

常平倉在縣學宮右康熙三十二年知縣程鼎改建道

光元年署知縣張大凱修東字一二三廩中字四五

廩三年知縣王勲臣修中字十一十二廩

同上

社倉

同上久廢採訪冊

校場在北門外左營地

黃府志左字縣志誤作右

西自演武廳後黃

姓屋背溝勘起至照牆外止直壹百貳拾肆丈九尺

二寸南自南山腳起經普濟堂北河勘止橫捌拾肆

丈貳尺肆寸

光緒十三年丈量

左有武廟向收餘地租供香

火

黃府志

案校場地直玖拾肆丈橫玖拾伍丈

舊府志

道光五

年知縣王勳臣會同總兵李廷揚等橫直周圍弓

之通共柒百叁拾柒丈壹尺

有記碑在演武廳

光緒十三

年署知縣鄭業崇會同遊擊余雄飛等弓之橫直

周圍僅得陸百柒拾柒丈柒尺

沿河多被水割

普濟堂在北門外雍正十一年知縣虞金銘建議敘州

同陳式韶捐銀三百兩督修道光三年高廉道葉申

萬知縣王勳臣重修

黃府志

水災坍塌同治十年巡道

許道身捐廉脩復

櫛冊

養濟院在府城北門外

黃府志

育嬰堂在府城北門外道光三年高廉道葉申萬札飭

議建道光七年署高州府金蘭原署茂名縣孫有恆

建堂一所并籌經費銀二千兩當商生息一千五百兩博茂場生息五百兩常年起息一分外高州府每年捐銀一百二十兩電茂場每年捐銀一百二十兩博茂場每年捐銀六十兩堂中雇乳母奶母外設司事管門水夫聽差醫生皆歸府經歷司管理其詳細章程另刻板堂內以垂永久

同

同治十年巡道許道

身捐廉修理設法養卹

冊檔

案順德志云黃迪光任高州府學教授曾申請設育嬰堂於郡城